

Châng Thlan: *Galatia 4:12.*

Zirlaite Tân:

Hriat Tûr: Galatia mîte hnêna Paula lehkathawn, Pathian thu khelpuina ațanga mimal ngenna lama a pakâi dân târlan.

Vei Tûr: Kohhran châwmtu a nihna anga Paulan ngenna siam a, a thil hlauhthâwn leh thil tawn tlânte a hriat nawntîr lehna lo ngaihhlutpui.

Tih Tûr: Kan hruaitûte thlarau lam khawthlîr chauh ni lo, mihringa hmangaihna leh veina an neihte lo hlâwkpui leh lo țâwiâwm.

THUPUI THEN

I. Hriat Tûr: Ngenna Thuahhnih

- A Engati nge Paulan Pathian thû ang leh mimal taka ngenna a siam?
- B Engvângin nge rawngbâwlna thil hlauhthâwn hriattîrnain Galatia mîte chu an buaina chu palzam mai chî a nih lohzia a hriattîr?

II. Vei Tûr: Pastor Thil Hlauhthâwn

- A Engtin nge Paulan an inantlânna thû a sawi khân zirlai pawimawhte hre chhuak thar tûra an rilru a chawthawh?
- B Engati nge Paula hnialna, ngenna leh rilru lam tawrhain an inlaichînna leh thutak pawm tûra an rilrû a tihtharsak?
- C Engtin nge Paulan thinlung taka kohhran țhatna tûr a veizia leh an duhsak nih tuma beitu zirtîrtu suâkte danglamna a sawi?

III. Tih Tûr: Ngaihngam Lo Chung Pawha Thutak Ngainâ

- A Engtin nge min zilh leh hautûte bâkah, min fuih phûr leh chhawmdâwltûte hnên ațanga zirlaite zir tûra kan inhawn theih ang?

B Engtin nge, Paula ang khân, boruak a duhawm vak loh lai pawha thutak inhrilh nân inlaichînnate hi kan hman tangkai theih ang?

C Engtin nge keimahni ‘nau vei’ anga thlarau lam thila min veitûte hi kan lo thlâwp theih ang?

KHAIKHÂWMNA: Thlarau lam thila an inhnial zêk hnûin, Paulan Galatia mîte chu khawngaihna chanchin thâa ding nghet tûrin tihtakzetin a ngên zui a ni.

INZIRTÎR DÂN TÛR

RAHBI 1—Chawk phûr rawh

Thlarau thanna atâna thu pawimawh: *Kan tlângâupui Chanchin Thâ hi atakin kan nunpui ngêi tûr a ni. Isua Krista hmangaih a, mihring bo tâte chhandamna atâna inpumpêk tluka hnial theih loh dang eng mah a awm lo.*

ZIRTÎRTÛTE PUÂL: Kan tûnlai khawvêl vântlâng nun awm dân, thusawi leh chêt dân inpersan takah hian kan nihna dik tak kan târlan a ngaihzia sawi ho teh u.

Thu han sawi thei mai hi chu an kat nuk mai. Thil awlsam (duhduh herhchhuahna khâwl) rang taka thil chinfel zung zung theihna ang chî sawia duhthû han sâm ta chiam chiamte pawh radio te, TV leh internet lamah pawh herh chhuah tûr a tam mai. Sum lama kan mi thiamte lahin kan education kalhmang dik tâwk lohzia sawisêl theiah an inngai a. Inthlan dâwn lahin politiciante hian thil pakhat an sawi a, an han lala an sawi ang lo takin an che zui leh nghâl a, hlâwkna dik lo ûmin, dawhkân hnuaiah thamna an dawng a. Thênkhat lahin inhuâtna chî thehin, thu dêngkhâwng tak tak an sawi a. Khawvêl tak hi chu a mangan thlâk teh zawng a nih hî!

Sipai hotûten hmêlmâte hnung lama thlawhna thâ chungchuâng an chhawp rû ang deuh hian, Pathian chuan Kristiante hi thu puârpawlênga khat hmunah hian chanchin

thâ chu tlângâupui tûrin a dah a. Khawvêl suala tlu hnû hmangaihna mak chu a va ni êm!

Ngaihtuah teh: In pâwlte chu chanchinbu lama thu eng emaw tak ziah hrât deuchte list siam tûrin sâwm la. Chanchinbûa an lan ðhin chhan chu enge ni? Engati nge chhiartu an neih vê reng? Thuchah tihtlâk tak tak a nei em? An sawi ang chuan an nung em?

RAHBI 2—Zawng chhuak rawh

ZIRTÎRTÛTE PUÂL: A hnuai zir zâuna in bih laiin, mi mal taka Paulan Pathian thu a âwih dân chîk takin ngaihtuah ula, ringtûte nuna Kristâ hmêl hmuh a châk thû te, Krista thlang ngêi tûra a duhsak ziate in thlîr tel dâwn nia. Paulan mi bote a veizia hi phûrpuiawm tak a ni.

ZIR ZAUNA

I. Rinna Nung Hmanga Thinlung Pawhin (*1 Korin 9:19–23; Tirhkohte 14:1–26; Galatia 4:12.*)

Thawhlejni zirlai hian mi dangte hnêna thutak hrilh: kan hrilh tûrte nun leh khawsak dân nêna inrem tûr zâwka sawi hi, an thinlung pawh dân ðha ber a nihzia te sawi tel ula. Paulan chutiang a nihzia a manthiamna hian “eng emawti tala mi ðhenkhat tal ka chhandam theih nân mî zawng zawng hnênah engkim ka ni” (*1 Korin 9:22, NIV*) a tihphah ta a ni.

Isuâ hnêna mi dangte hruai chu thupui bera a neih laiin, Paulan fîmkhur lo takin hnâ a kalpui chuâng lo; a bîkin Pathian dân leh ram inawpna dân chungchâng hriatthiamna tûr kawngah pheî chuan a fîmkhur êm êm a ni. Mi mal taka a invawn fîmkhur viâu chhan chu hmuhsit a nih loh nân a ni. Paula leh Barnaba-ten Ikoniam khuua hlawhtling taka rawng an bâwl laiin “ringlo Juda hoten Jentail hote chu fuih pawrhin, ûnate dodâl tûr zâwngin an rilrû an hnehsak” ta tlat mai a ni (*Tirhkohte 14:2, NKJV*).

Khawpuia mîte chu an inthen ta phawk mai a, “thenkhatin Judate an tan a, thenkhatin tirhkohte an tan bawk a” (*Tirhkohte 14:4*, NKJV). Tirhkoh Paula kha a rinna a nunpui kawngah pawlawh leh fimkhur lo nih a theih vê loh. A hmêlmâten an châng reng a; chû chauh ni lo vin, Paula engto ber zâwk chu Pathian tihlâwm mawlh chu a ni zâwk.

Ngaihtuah teh: In pâwl member tû emaw chu *Luka 15:1–10* chhiar tûrin sâwm la. A hun laia mi vântlâng hnuai lama awmte tâna thil thâ tihsak a tum khân, Isuan beihna a tâwk tih kha hre reng ang che u. Inzawh tûr: Engtiang kawngtein nge Paulan Kristâ chanchin thâ chu mîte hriatthiam theih tûr zâwnga a her rem thin?

II. Engpawh Nise (*Galatia 4:19; Johana 3:3; Kolosa 1:27.*)

Kristâ hnêna mîte hruai an nih theih nân Paulan hmeichhe nâu vei nâ ang hialin a vei a ni tih a sawi a. Mahse dân zawma chhandamna ang lama kîr leh an tintuah tâkah chuan, anni chu tihtak zetin a vei leh ta êm êm a ni. Paula hian Isuan Nikodema hnêna a sawi (*Johana 3*) zûl deuh tawngkauchheh a hmang vê a ni.

Galatia mîte zîngah hian Krista chu puitling taka a lo awm a, an thinlunga ro a rêl theih nân tirhkoh hian an zînga rawngbâwl hi a ngawrh hlê a (*Galatia 2:20*). Nilaini zirlaia kan hmuh angin, chutiang hnâ a thawh avâng chuan amah pawhin a nat phah hial tih a lang a. *Kolosa* mîte hnêna a lehkhathawnah pawh, naupiang tih lam tawngkam hmang lehin, Krista chu ‘ropuina beisei chhan’ (*Kolosa 1:27*) awm chhun niin, mihring âiawhin keimahniah a awm tiin a sawi.

Ngaihtuah teh: Thlarau thanlenna chungchâng hi bihzui ula. Chhûng lama Krista a lo awm tan hian Kristian nun chu enge a an thin? Enge lo danglam chho zêl? Eng chu nge a ngai renga awm? Engati nge Paula khân Galatia ringtûte chu an

chhandamna Hnâr awm chhun, Isua Krista rinnaa thûk taka awm reng tûra tanpui a duh êm êm? A thinlunga Krista a lo ‘pian’ chinah Paula nun kha enge lo ni ta? Engtin nge amâ nuna danglamna lo awm ta leh, zalênna a rawn thlen chu, mi dangte pawhin chutiang chu atakin chang vê se tia Paula thahnemngaihtirtu a lo nih tâk?

III. Indâwrna Khârin (*Galatia 4:16; 2 Korin 1 & 2.*)

Thinlung khawih taka ngenna siam kha tirhkoh Paula danglam bîkna pakhat a ni. Thusawitu tam takin an thusawiah ngenna urhsûn an siam ngam lo fo thîn a, Paula erawh chu ti deuh mah mah angin a lang. Rilru sùkthlêk pawh hi rimâwi anga hman tangkai theih a ni a, sâkhaw hruaitu tam takten hmang thiam hlê a, Paula erawh hi chuan a ti tak tak thung.

Galatia 4:16-ah, Galatia ringtute thian bul Paulan an inthian thatna chu, anmahni chîmtu dân chhûm zîng entlanga Kristâ hmêl hmuhtîr tûra hman tangkai a tum a. “Thutak ka hrilh che u avângin ka chungah in thinrim ta mai em ni?” ti ang deuh a ni ber e.

Paulan Korin kohhran hnêna ngenna a siam (*2 Korin 1 & 2*) phei kha chu a la ngaihngam thlâk loh lehzual. Rawngbâwltu a nihnaa a thuneihna sawisêl a nih khân, Paulan, “Mittui tam tak tla chungin thinlung hrehawm leh thlaphâng êm êma ka ziak a nih kha, chû chu tihlungngaiha in awmna tûr a ni lo va, in chungah hmangaihna nasa lehzual ka neih hi in hriat theih zâwkna tûrin a ni,” (*2 Korin 2:4, NKJV*) tiin a ziak.

Paulan Krista hriatna neih duhtûte a hmangaihna khân a ngenna chu manthiamin, an tangkaipui hlê a ni.

Ngaihtuah teh: Engati nge Kristian thenkhatten mi dangte pawh tûra an chhuah hian an thinlung tak phawrh an ngam loh thin? Hnam thenkhat zîngah phei chuan a la hluâr ta deuh deuh lehngâl. Kristâ tâna mîte hnêna ngenna kan siam dâwn hian hnam zia leh dân hian eng hmun nge a chan ang?

RAHBI 3—A Taka Nunpui Tur

ZIRTÏRTÛTE PUÁL: In pâwl member-te chu mahni inenfiah nân hêng zawhnate hi chhâng tûrin fuih ang che. Mahni ngaihdân sawi châk an awm pheï chuan hun tlêm tal inpêk ni se.

Ngaihtuah Tûr Zawhnate: Engtin nge Isua Krista chu nangmâ LALPA leh Chhandamtûa i lo pawm? T̃hiante fuihphûrna vâng nge, thusawi ropui tak ngaihlhâl zâr nge, i hnar zawh ruâl loh sâwmna vâng em ni? Isuâ hnêna i nun hlan i duh chhan chu eng ber nge ni? Kristâ tâna thlarau hneh tuma a beihna lamah Paulan hnar a tâwk fo mai. Hnar nih hlauh vê vângin mîte hnênah i rinna thû i sawi ngam lo vê fo em? Hlauhna hneh tûrin engtin nge t̃an i lâk ang?

Ataka Nunpui Tûr Zawhna: *2 Korin 5:20* chuan: “Chutichuan, Krista âia palaite kan ni a, Pathianin keimahni hmangin a ngên chiam a che u; ‘Pathian nên lo inrem rawh u’ tiin Kristâ âiah kan ngên che u a ni” tiin a sawi. Nangmah hmanga Pathianin mi dangte hnêna ngenna a siam theih nân, eng theihna leh thiamnate nge i neih vê?

Thuhretua T̃anna Tûr Zawhna: Thusawi inkalh tak takte khân Galatia ringtûte lû a tihai hlê a. Chutiang lo ni ta lo se, Paula khân dân chungchâng, Isua Krista rinna tifamkimtu a nih dân vêl chu a sawifiah kher lo maithei a ni. Kristianten khawvêla Pathian Chanchin T̃hâ puan chhuah an tum lai hian, kan hun laia ‘mi tawng duh’ hoten eng chona bîk nge min siamsak? Chhandam kan duhte nêna inlaichînna neihpui leh thutak hrilh inkâr hi engtin nge inchawih tâwk chiaha kan kalpui thiam theih ang? Chutiang atân chuan Thlarau Thianghlim hian eng t̃angkaina tak nge a neih ang?

RAHBI 4—Borwak siam rawh

ZIRTÏRTÛTE PUÂL: In pâwlah thil ziahna tûr lehkha sem la, hêng a hnuaiâ târlan ang dinhmuna mîte hnênah hian engang ngenna nge kan siam ang tih tâwi fel takin ziahtîr ang che.

1. Member ruih hmang tak pakhat chu Sabbath nî apiangin a vâk bo ziah mai a, a chhan chu chaw lum eitûr awmna a hriat vâng a nia, ðhenkhat lah chuan pawisa an lo pe fo vei nêh. A eng inkhâwmnaah mah a lo lang ngai lo. Engtin nge in kohhranin in tih/chhân ang?

2. Sara-in in kohhran chu wawi tam tak a sâwm ta che u a. Inkhâwmnaah pawh a ngaithla ðha êm êm a, thusawitu Bible chângte a lo en vê theih nân a wawi khat nân Bible a lei a. Member tinte lah chuan engtikah nge a thinlung Isuâ hnênah a hlan ang a, baptisma te a chan vê ang tiin an lo thlîr a; mahse, thusawitu chuan ngenna siam nachang a hre sî lo. A siam vê chhun lahin a zâm tlat a, a nuai liam ta thuai a. Engtin neg Sara-i hnênah chuan ngenna i siam ang?

3. I ðhian ðha tak pakhat chuan chhiah pe lo vin kum eng emawti chhûng a âwl rû a. A theih dân dânin a sum neih chu a khâwl zêl a, mahse tiamchin a thleng vê ta tlat mai. Mahni inthiam chawpin, eng emaw chângte phei chuan fiamthu thawh nânta a hmang a, “Keimâ sum a lâwm. Sorkar pawhin a khawhral vê mai mai tho,” te a ti liam vêl ta mai mai a. Engtin nge a thil tih dân chu a dik lo a ni tih a hmuh thiam nân i ðanpui tâk ang? Dân a bawchhiat thû chu dân lam thlîrna aţangin i hrilhfiah ang nge, Pathian i râwnpui zâwk ang? Sawi fiah la.